

泉州府志

第三十二册

卷之五十八

K295.7

2

泉州府志

卷三十五

藝文志

藝文志

三

泉州府志卷之五十八

孝友

孝爲百行之原而友卽其所推者吾泉海濱鄉魯之區士大夫讀書敦倫施於有政何一非孝弟之經顧時當其順雖視聽形聲之表周旋几杖之間亦難盡指而數之惟夫遭變故值困窮而天性之真固結不解庸德有因奇而益見者若乃蓬蓽編氓未嘗學問愛親敬兄動與古合甚至捐軀以殉父兄之難視死如歸君子哀之其或毀肌滅性道雖異於中庸然至

誠所感每足轉危爲安孝弟之至通於神明洵不誣也

聖天子方崇孝治凡內外臣工皆許陳情終養復命有司加意採訪民之孝子悌弟上其事而

旌之教愛教敬一肅而成不嚴而治生斯世者沐雅化稽往蹟明發之恭之懷不愈油然而興乎志孝友

唐孝友

嘉猷晉江人事紀略活喪動著至行鄉里宗之載名唐書

閩書系

通志

宋孝友

曾孝純

石晉老

黃駢

李起

徐浩

錢褒

吳德彰

黃甫
旦

黃章

劉祥 趙希琳
周宗强

林頤壽

蔡挺卿

許康世

董之邵

陳繼文

林彬

王凱

曾孝純字君施晉江人父公亮卒詔遺蔭外增推恩二人
孝純爲殿中丞賜同進士出身力辭以所得官予族人
之未仕者二十四年不改秩紹聖中擢太常丞執政沮
之遂杜門不仕治家有法子弟非冠帶不見晝日不得
居內閨門肅辨家無私財別產故其子孫獨貧

舊志

石晉老字子明晉江人政和進士倪之孫倪爲清白吏晉

老以先人貲產盡遜其兄居鄉敦讓一語不欺傳康稱

爲篤行君子

舊志

黃駢字公碩南安居父喪芝產丁靈堂前其葉累百重

和元年進士調崇安尉有鄭主簿者貪不妻卒于官

駢傾囊以賑其行人皆義之終有知州通判

舊志

李起字伯時晉江人紹興二十七年進士家居奉親有堂

前對朋山名曰金玉郡守王十朋與同年爲賦詩曰主

賓對面成三友伯仲摩雲拱九重末云綵衣戲罷看山

色不似慈顏喜氣濃

隆慶志

徐浩字東之晉江人開禧元年特奏名爲汀州推官事繼

母孝母寢疾累年扶掖不離側中裙廁臉皆自浣滌母

子皆以壽終

舊志

錢褒晉江人熙之後也性純孝母喪負土成墓結廬居山
輦腥不入口形容毀瘠終制方還爲州學正士類推重
治平熙寧中郡守猗州人之請兩聞于朝乞詔試擢用
以勵風俗嘗著有志孝六篇并進之

舊志

吳德彰惠安人宋乾道閒兵荒父母俱沒于外時德彰幼
少欲求骸骨以葬旣長訪不可得乃以檀木刻像葬于
山谷自後山下每有香氣襲人經久乃息里人號其山

曰香山

舊志

黃甫晉江人弟旦金居右庠敦友愛甫有疾旦剗股以療

之疾愈終不自言及旦疾甫燃臂叩天願以身代旦疾亦愈淳熙八年兄弟同登武舉甫知吉陽軍旦官至武

經郎知欽州子夔

舊志

黃章取肝掾母劉祥取肝掾父金見真文忠勸孝文又有

趙希琳取肝以療母俱晉江人

閩書

周宗強宋承信郎晉江人其母陳氏得疾危殆宗強告於天割股以療母疾遂瘳郡守真德秀延至府堂置酒三行厚致賓禮用鞭馬傘扇旗幟鼓樂送歸其家仍照例

支賞馬

嘉靖志系真西山勸孝文

林頤壽字表世晉江人業醫診脉決生死遲速不差事祖
父母父母以孝聞祖母楊嘗苦背瘍潰爛徑數寸頤壽
曰敗膿其中寢蝕旁肉若放拭則不堪痛楚俟其熟寐
潛舐去敷藥而愈廬父墓有芝產之瑞事繼母彌謹繼
母卒廬墓有白鵲數十往來墓上人以為孝感郡守葉
廷珪請為鄉老月致牢醴名其坊曰孝友里人為作孝
友傳博覽經史又喜作大字守陸藻稱為博物君子自
號華陽居士一夕談笑而卒年六十八

舊志參通
志闕書

蔡挺卿同安人刲股愈父

闕書

一、扶弟同安人主股愈父

書

許康世董之邵俱晉江人並封股療母

書

陳繼文晉江人累世同居子嘉謨嘉猷相繼登第守蘇壽

名其坊曰孝悌

書

林彬字彬之晉江人家世孝義彬有文名預薦當上春官
以母老不忍行時楊寅翁累請祠侍父郡守真德秀以
溫陵二孝目之凡鄉閭義舉彬皆爲之倡晚以一尉終

志

王凱字和中晉江人號虛凝居士有詩集嘗應八行舉東

龔先生徐師仁以書與齊亨仲論其爲人曰凱年踰四

十履行無玷事父母篤孝居喪廬於墓者三年猶不忍
去與其弟相友未嘗一日離雖至貧苦凡衣食之具不
肯取他人求之流輩未易多得嘗題桐廬釣臺人傳誦
之號曰王釣臺云舊志
元孝友

顏應祐

黃道賢

陳成

陳元吉

呂祐

沈祥章

顏應祐字孝先同安人以兵難遷徙失母許氏所在訪求

二十六年足跡幾徧海內不能得一日有告以母在雲南老卽往求之行至蜻蛉嶺始得焉遂迎以歸士大夫咸歌詩以嘉其孝上官民望贈詩曰閩泉南詔各一隅道途相去萬里餘巴巫水急過於箭關索嶺峻能摧車

顏生遠來憂且喜視之不管如平砥客中見母迎母歸

此生始信堪爲子吁嗟世俗日已漓爲梟爲獍不自知

事父母能竭其力顏氏之子其庶幾

舊志參通志同安志

黃道賢晉江人有至性嫡母唐無子道賢襁褓時生母蘇以疾去道賢旣長力請於父復之孝養二母並得其歡

父篤疾醫莫效道賢祝天願減已壽一紀以益父父尋

愈比卒果延一紀廬墓終制至元初旌其門

舊志

陳成字公美晉江人敦行孝義不慕利祿號雲心處士家

居課子孫讀書鄉間有事多請質焉至正間年九十餘

監郡僕玉立重其四世同居六葉相見因表其門曰高

年耆德扁其居曰衍慶卒桐華詩社諸名人各賦詩以

記之河東張翥臨川危素爲之序記

舊志

陳元吉惠安人年甫十二家失牛隨父求之過石洞有虎

躍出啣其父項賴所戴蓬笠障礙牙鋒纔及髻得不死

元吉直前擊虎連數十杖不脫遂刺虎中目虎乃釋其

父而走父子持杖以歸鄉人異之

舊志

呂祐晉江人素以孝聞至正末郡城陷有卒拔刃脅其母索財祐奮前奪其刃十指盡落因眩仆地良久而甦開目視母曰母無恙兒死不憾矣遂瞑目死

舊志

沈祥同安人事父母盡孝至正甲午盜起祥負母逃海中
之嘉禾島盜躡其後祥爲所掠幸計脫而不知母所在
衝賊鋒行求晝夜號呼不飲食者三日始獲之巉穴中
母子抱持悲喜交集欲渡海回居而橐裝旣入盜手乃

質子章獲錢千緡爲歸資其事兄最友數日不聚卽中
心欣然知世將亂深蟄不出自號屋隱高人韵士或來
賦詩爲樂間里交口稱良士章洪武初科鄉薦上春官
會時需才急不俟會試選人爲吏部考功主事祥歿章
請宋學士濂銘其墓

閩書

明孝友一

陳濬

秦昇

張綸

陳永

王煥

傅櫟

徐榮

陳敦質

吳德范

陳輝

張鳳徵

鳳表

黃鼎象

張迎

李榮春

莊希范

富可濟

富明新

郭尙謙

張守化

蔡一桂

莊用晦

陳會

莊鳳章

黃潔清